

তারিখ 24 APR 1987
 পৃষ্ঠা... .. ৫ কলাম... ৫

ভিত্তিপত্র

(মতামতের জন্য সম্পাদক দায়ী নন)

উচ্চ মাধ্যমিক ইংরেজী পাঠ্য বই

জাতীয় শিক্ষাক্রম ও টেক্সটবুক বোর্ড কর্তৃক প্রকাশিত এবং শেখর চারটি শিক্ষা বোর্ড কর্তৃক ৯৮৬ শিক্ষাবর্ষ থেকে উচ্চ মাধ্যমিক স্তরের আবশ্যিক ইংরেজী বিষয়ের জন্য নির্ধারিত 'ইংলিশ রিউডে বক এইট' পাঠ্য পুস্তকটি পক্ষে ইতিমধ্যে বিভিন্ন মতামতের কথা উঠেছে। বইটির উপস্থাপিত সম্পর্কে কেউ পক্ষে আর কেউ বিপক্ষে মত প্রকাশ রেছেন। এসব মতামতের পরিপ্রেক্ষিতে শিক্ষা বিভাগীয় কর্তৃপক্ষ বইটি প্রয়োজনীয় পরিমার্জন করে চালু রাখার মা একেবারে বাতিল করার সিদ্ধান্ত নিচ্ছেন তা জানা দেয় জানা নেই। তবে এ ব্যাপারে চূড়ান্ত কোন ব্যবস্থা গ্রহণের পূর্বে বইটির পঠন-পাঠনের সাথে যারা সরাসরি জড়িত অর্থাৎ

শিক্ষক ও শিক্ষার্থীদের, এমনকি সম্ভব হলে সচেতন অভিভাবকদেরও মতামত যাচাই করে দেখার প্রয়োজন রয়েছে।

বইটি পড়ে আমার মনে হয়েছে যে, এটি সম্পূর্ণ নতুন আঙ্গিকে ও ধ্যান-ধারণায় লেখা। এর প্রবন্ধ-ভঙ্গিতে আমাদের জাতীয় আশা-আকাঙ্ক্ষা, আর্থ-সামাজিক সাংস্কৃতিক সমস্যা ও লক্ষ্যমাত্রার কথা প্রতিফলিত হয়েছে। এই স্তরের পূর্বের বইটি থেকে ব্যতিক্রম হিসেবে এটিতে সাহিত্যের পরিবর্তে ভাষা শিক্ষার ওপর বেশি জোর দেয়া হয়েছে।

বিষয়টির পাঠ্যসূচী ও প্রশ্নের ধারা যেভাবে পুনর্বিদ্যায় করা

হয়েছে তা মুখস্থ বিদ্যা ও নকল-প্রবণতা রোধে যথেষ্ট সহায়ক হবে। তবে বইটির গুণগত মান উন্নয়ন করতে হলে যেসব ভাষাগত অসংগতি ও মূত্রণ প্রমাদ রয়েছে তা সংশোধন ও পরিমার্জন করতে হবে।

বইটির ব্যাপারে নতুন কোন সিদ্ধান্ত গ্রহণের পূর্বে উপরোক্ত সংশ্লিষ্ট বিষয়গুলো বিবেচনা করার জন্য কর্তৃপক্ষের নিকট অনুরোধ রাখছি।

খন্দকার আলী আহমদ
 ১৬, এলিফ্যান্ট রোড, ঢাকা।